

Završnica turnira u malom nogometu

17.05.2010 13:41



U okviru sportskih aktivnosti u povodu 22. maja - Dana policije, danas je u maloj dvorani SKPC "Mejdan" u Tuzli, sa početkom u 08.00 sati, održana završnica turnira u malom nogometu službenika MUP TK-a, na kojoj je učestvovalo 8 ekipa, koje su na kvalifikacionom turniru (održanom 12.05.2010.godine u Lukavcu) izborile dalji plasman u završnicu, i to:

- grupa A: Jedinica policije za podršku MUP TK-a i Sektor krim. policije MUP TK-a
- grupa B: PS Zapad i PS Srebrenik
- grupa C: PS Banovići i PS Kalesija
- grupa D: PS Gračanica i PS Centar.

U polufinale turnira plasirale su se sljedeće ekipe: Jedinica policije za podršku MUP TK-a - PS Centar (1:2), te PS Zapad - PS Gračanica (1:0), nakon čega je u utakmici za 3. mjesto ekipa PS Gračanica savladala ekipu JP za podršku rezultatom 4:1, dok je ekipa PS Centar u finalu pobijedila ekipu PS Zapad sa rezultatom 3:1.

Najuspješnijim ekipama uručeni su prigodni pehari za postignuti uspjeh, kao i najboljem strijelcu turnira, za kojeg je proglašen Muharem Numanović, službenik policije PS Centar (PU Tuzla) koji je tokom turnira postigao 7 golova.

Takođe, povodom obilježavanja 22. maja - Dana policije, ekipa MUP TK-a će dana 20.05.2010. godine sa početkom u 16,30 sati na stadionu "Tušanj" u Tuzli, odigrati revijalnu nogometnu utakmicu sa FK "Sloboda" (igrači preko 35 godina), čime će ujedno biti i završene sportske aktivnosti.

Preuzeto sa web stranice **Ministarstva unutrašnjih poslova Tuzlanskog kantona** - <https://mupk.ba>